

5563.9
8233
v.4

BERKELEY
LIBRARY
UNIVERSITY OF
CALIFORNIA

Opportunity

龍塢續集目錄

書

答芝谷宗中

與金愧窩

商一

金醒窩

相甯

答柳秋園

正錫

答高元柱

答金掌令

秀馨

金主事

相寧

答朴道敬

答金永振

答林樂安

幼瓚

龍塢續集目錄
雜著

松湖追記

玉峯記

存養記

仁者樂山智者樂水說

渾象說

題杜門洞實記後

龍塢續集附錄卷之一目錄

詩

龍塢齋次韻

回甲次韻

回甲贊

輓章

祭文

龍塢續集附錄卷之二目錄

詩

龍塢亭次韻

仰慕契和韻

望哭壇立碑時和韻

德林祠奉安時和韻

龍塢續集附錄卷之二目錄

龍塢續集卷之一

書

答芝谷宗中

夫譜者普其合族也譜而不普奚譜爲凡吾族之散居遠近者於吾雖有親疎自祖先視之均是一氣之血脉一源之派流而至此修譜各主已見不顧大義則豈可以天下公共底道理爲一人之私而已乎竊念吾先祖積慶累仁陰騭于下其麗不億而今以一箇私意惹生鬩牆則忝厥之罪已深裕後之謨復何論哉大同修譜者或見漏先系之失統序姑舍彼屬

之疑案寔爲可懼凡國之史家之譜其規一也雖有
實行實蹟而一有不錄則百世之後誰能考徵而敢
泚毫於金石之文乎夫子發杞宋文獻之歎者是耳
惟望僉宗勿以一已之固執遂成千古之貳疑更爲
自反回悟躬枉校勘之席打破迷惑無漏同譜之地
如何惟祝僉宗體候均康克竣大事

與金愧窩

商一

金醒窩

相穽

會日恒少別日恒多而吾儕俱老悵黯益深恭惟兄
體崇護瞻仰雲天星斗嶙峋弟日爲二豎所戲頽難
支吾祇自悶歎竊惟吾鄉之忠賢祠寔士林之所依

歸而自撤院後儒風寢息吾黨益孤茲以復設之議
稟于本倅得其獎許然而環顧一鄉如此興化之議
倡之和之者嗚呼幾人望須兩兄與晦石吳兄爛確
打議再明日枉臨于司馬齋協定經始之顛末如何
第念茲土僻在海陬幸賴石眉兩先生之化導至今
數百載文風學業不絕如綫九爲士類者其在報祀
之地孰不響應惟願十分努力共竣終始切仰

答柳秋圃

正錫

天寒歲暮懷想彌切適承尚幅慰若對晤仍審經軀
增重實副慰悰弟老且病志氣漸敗可歎且憐羅衫

制度儀禮中詳盡不必贅陳而明問及此亦難質言然其裁入縫衽之式對圖說參看則如指掌矣安有迷疑不定耶幸更詳之如何夫禮者士子之本領以之立朝則無礙奉上以之御家則有儀率下而至於日用云爲莫不一於禮然後始可謂之士也不可一日不着意用工者此而況國家典禮關係尤重故近得通編高閣下上久矣若與同槩論疑費得旬月工夫參酌損益多有所得則安知異日得志行道進退廊廟其不爲朝班之柯則乎豫爲欣祝惟冀淵亮

答高元柱

夫學爲己非爲人也已是天之所稟賦而擔着天下許多道理自修齊治平至於進退周旋無內無外都是修吾職分若一毫未盡便不是學也聖人千言萬語布在方冊莫非做人旨訣也循而行之則仁宅義路舉在目前一無差錯反是而行則茅廛棘蹊縱橫歧迷易陷於坑塹奈之何妄自暴棄不來有成於己但與世人滔滔趨營爲哉况君以巨族之大宗負擔之重責任之大與他自別詎不難哉若不及今致力於學文則他日旆爲不贍後悔莫追矣望須抖擻精神勿以躋等高遠爲心腳踏實地百千其工如何夫

學問之道不在他須讀書而先立表準也今日行一事明日知一理久久成熟則怡然理融渙然冰釋而愛親敬長隆師親友之道都在這裏若不以自近及遠爲用功之階級妄率自大以一蹴可到一見畢露爲心而不如所期望則自謂聖不可跂及悠悠泛泛輕蔑千古放浪當世爲斯門之唾罵者多也此非才不足而惟操執無常至此狼狽豈可不懼且哀哉吾言雖耄幸服膺勿失以副平日父師之望而大闡家聲願望秋翁近得安穩否忙未修書轉達此意如何君家上下姑無他憂安心做工如何

答金掌令

秀馨

金主政

相寧

相孚之地雖尋常寒暄書牘猶云次面而况茲崇函
瀝盡肝膽乎盥奉圭復不覺氣湧如山松翁檄文凜
乎烈乎千古綱常在此一舉則凡有血氣者孰不憤
慨而張膽哉余雖孤陋平日亦讀春秋者雖粉骨碎
頭豈敢惜縷命而不起乎况吾兩兄士林領袖一鄉
翹楚仰想聲名之下風動四方然事有措劃然後施
設方畧次第不紊而人無不服事無不成矣望須湊
加籌策規模若置水不漏而威和並行行伍整齊則
雖赴湯蹈火孰不用命於今日哉擬將晉穩姑畧不

戩

答朴道敬

誠義之一字誠撐宇宙亘古今之真諦也仁禮智
信包括於中天倫叙矣人道立焉所謂頂天履地者
孰不奮發協成大事而惟君此舉先獲我心然彼世
之趨利貪饕者假托虎威憑逞蜮射敗名教損廉恥
甚至於悖倫亂常民不安堵四境波蕩爲天下羞辱
者豈有甚於今日哉此所謂蠹生於木而害於木邪
生於心而害於心者是已所謂仁人君子豈有負薪
入火之理乎惟願以堂堂底道理或曉諭或聲討使

八域人心揚大義於萬國則天鑑孔昭必有默佑廓
清之日矣孟子所謂地利不如人和者非是之謂耶
望須高明猛清精慮使之革舊從新先義後利則鄙
當赴助一鼓之勞矣千萬加意而取舍之如何餘非
面莫究在權斯文寧變詳陳

答金永振

數前惠枉已爲極感而况又徐友僂付書出於料外
者乎圭復數回幾乎紙生毛仍審比來體上別無見
損何等慰沃官衰與病侵尋與世相忘者已久而今
見來諭况如蟄蟲之聞雷豈敢不同氣相求乎數種

惠物故人之賜難可却之故受則受矣而倘無傷廉
之責耶多少說只恐煩人耳目故許囑於徐友則口
達似勝於鈍筆矣不備謝上

答林榮安

別瓚

詩山之於茂松地非不遠而一書之來實是望外始
知鍾石山館不在天上也承審令體侯神護天佑實
符仰慰生跼伏陋巷不病而自病年也奈何竊惟令
座之高風大義每因士友僂聞之已熟則可謂不面
而面矣况又令座不棄賤蹤先施以古道之書自顧
滅裂何以得此於高明耶但惠書之發已過一朔而

承書太晚以是爲恨耳向抵鄆郡鄉校文字幸因金直員聞其大畧則滿紙縷縷無非憂時傷俗之意亦可見大君子之恢廓器局也勉翁之南下豈徒然哉凡我冠儒服儒之有腔血者固當從風響應而況又令座執鞭隨後乎千萬姑閣

雜著

松湖追記

松湖我叔祖別號也竊嘗聞我叔祖文章德行表準當世文籍中羅鬱攸蕩殘無徵而但聞望藉藉不絕於鄉人士之口碑然世代已邈嗟將憑何而考其真

蹟乎後孫之積慨飲恨厥惟久矣日錦城羅斯文某
袖其先世遺集一冊示余曰諱益和字明汝號松湖
是非貴先祖耶余悲喜良久曰是吾六代叔祖而本
孫家無片言隻字譜牒亦無別號殆乎泯沒無聞而
今始奉見無乃天其或不遺令名顯晦有時也耶壁
經塚書亶其然矣盥露圭復則贈仁山亭主人羅上
舍詩云偶到名區暇日遊此心放曠不能畱黃花老
矣仍無客明月來耶可泛舟滿架詩書真活計有時
琴酒好風流雙梅隻檣如相守茅屋懸崖過幾秋又
贈別詩曰分襟一載始重來相對溫溫喜而間把酒

却忘歸路晚峯頭殘日已西頽聲韻瀏亮標格融和
儘有德之言也一羽而知全鳳者非是之謂歟昔我
東一蠹鄭先生文集無傳而但有風蒲獵獵弄輕柔
四月花開麥已秋看盡頭流千萬疊孤舟又下大江
遊一絕詩而已先儒贊曰真灑落有道之言也奚足
以文之多寡評人於百世之下哉彼吟風弄花無益
於世者雖連篇累牘充棟汗牛奚足道哉嗚呼九原
可作我叔祖亦當含笑在座而奈幽明永閼何於是
乎又恐有視今如昔之恨僭爾搆搆庸竢後日雲仍
之博考云

玉峯記

茂松之南有高山磅礴傑特聳立于雲霄而其下兩山亭亭對峙卽玉峯而宛如武夷之第二曲矣吾族弟綺源聖昌結齋其下顏曰玉峯可謂地得其人人得其地也栗然粹然顏如溫玉琢如磨如德如美玉偉歟玉峯隱居行義學董安豐耶守義白靖學陶靖節耶余於宗族中愛君甚者孝友也信義也庶無愧乎古人也玉之爲質不曰堅乎堅而不缺玉之爲色不曰白乎白而不染無一點之可瑕則豈非玉如其人人如其玉耶雖然玉必石攻而後可以成器君以

我言爲他山之石而不棄則石亦賴有光焉玉峯乎勉之哉

存養說

孟子曰存心莫善於寡慾非寡慾不能存心非存心不能養性矣然則寡慾乃存養之本也歟心以虛靈不昧之體具冲漠無朕之性故應物無迹莫知其向而一有物慾之蔽昧於其間喪其本然之明德則性不得其養而吾之所謂心者馳於放僻邪侈無所不爲而不至於楷匹者鮮矣是以欲存其心者先寡其慾欲養其性者先存其心矣易曰敬以直內義以方

外蓋使本末有序體用有須則心存而性純在我之
明德自然昭著存養之功於是爲至而至於格致治
平之道皆在吾分內也自是而日用事物莫適不善
而馴致於克己復禮閑邪存誠而至於無己可克則
聖之事也然則希賢希聖之義不在於高遠而在於
存養之功也夫

仁者樂幽智者樂水說

仁者心之德其爲體也安靜不遷若山之重智者知
之義其爲體也變動周流如水之通此有樂山樂水
之說也蓋仁之至也有大德之敦化山之興雲出雨

普洽於天下者是也知之至也有通而不塞水之盈
科而進放于四海者是也嗚呼山不能自仁惟仁者
樂之水不能自智惟智者樂之而一於仁者惟知山
之樂而不知水之樂一於智者惟知水之樂而不知
山之樂矣惟聖人仁智兼盡見山有仁之樂見水有
智之樂以至於萬事萬物莫不皆然矣夫子嘗登泰
山有小天下之歎是果樂山之義歟聞滄浪歌有自
歎之訓抑亦樂水之義歟古人云光風霽月善形容
有道者氣象吾於樂山樂水亦謂善形容仁智者氣
象也

渾象說

天之渾象穹窿廓邈蒼蒼其色乾乾其性地頭撐目
但見混混然罔涯不知東西之分限南北之定界然
則天體終不得範圍而已乎曰何爲其然邵子曰天
地亦物也既謂物則象以測之數以盡之何不究之
有天之大體自髣夜諸家說之詳矣而其明白較著
者莫善於鳥卵之喻卵之白包黃卽天包地外也其
次則又莫善於倚蓋之說蓋之爲物杠軸居中幹子
還到於四外皆樞紐於扛軸是以幹子之交紐於扛
軸密比如樞子至於末齊疎闊如橋樑若舍兩蓋則

兩蓋之扛軸居南居北而兩蓋之端正爲合處而幹
子之列皆踈而闊此理勢之所然舉而倚之北高南
低天之象如此今看紫微垣北辰爲天之不動而居
中猶蓋之扛軸居中而不移南極亦然而二十八宿
之橫帶天腰者也北極出地三十六度南極入地三
十六度此如倚蓋之北高南低也北高故恒見不隱
南低故恒隱不見此渾象之大槩也其曰紫微太微
天市一爲君基一爲臣基一爲民基皆聯體而居北
其曰東蒼龍七宿其曰西白虎七宿其曰北玄武七
宿其曰南朱雀七宿分方司位爲七政之行度其曰

銀漢即南北之襟帶也七政由是而行有遲有速而合朔之際南北同度東西帶道則月掩日而日爲之食望之夕日月相對則月爲地影所蔽而月爲之食天之度三百六十五度四分度之一日繞地左旋而一周日則在天爲不及一度月則不及十三度十九分度之七此天日運行之理魯齋三柏曰天之周圍二億三萬四千五百里七十五步此日影千里之所渾也漢張衡曰天地昇降九萬里自地至天半於太極則地之深亦然此象數之所推也魯齋又曰天地升降八萬四千里四萬二千里以上屬陽位四萬二

千里以下屬陰位雖然天陽發乎地地陰發乎天春夏則陽氣上昇陽極陽位故熱秋冬則陰氣下降陰極陰位故寒其所以定時成歲分節氣定寒暑皆繫於斗斗北斗也在閭闔門外補帝座而運行中宮故曰大辰也其餘衆星森羅作天體綱紀皆由於四獸以此觀之鳥郊之譬包天地而言倚蓋之說舉天而言也萬象之森天焉能筆舌可盡也善乎吾夫子之言曰北辰居其所而衆星拱之此言盡之矣

題杜門洞寶記後

余嘗過松嶽之故都探古人之遺跡到杜門洞無其

人而有其址又到不朝峴乃一小峴而名高於秦嶺
所謂地與人傳萬世如一日者信不誣矣嗚呼首陽
一山不遇夷齊之忠節則安能不朽於千古哉噫麗
氏屋社之日堂堂忠義之賢乃至七十二之多何如
彼卓卓曠感千秋英風凜凜令人不覺有生氣偉歟
盛矣而況我圃隱鄭先生道學忠義撐柱宇宙炳烺
日星而丹心歌一闕所以說盡當日奉天之誠善竹
橋斗血所以表千古不死之忠天下後世有志慷慨
者孰不嗚咽而歔歔也哉今見實地實跡不能無感
歎之心故謹掇蕪辭而誌之

龍塢續集附錄卷之一

詩

龍塢齋次韻

光山金相甯

卜此龍岡擇處仁，徜徉物外自尋真。
風窓贈客忘炎夏，花砌戒僮栽好春。
夢過青雲前進士，幽居白石幾芳隣。
詩人夏誦無疆福，秩秩斯干落成新。

咸陽吳秉植

公家先業務爲仁，詩禮相傳性率真。
對局能消三伏夏，種花長在四時春。
山川粹氣留精彩，琴酒多情會戚鄰。
白髮爛衫無恙日，鄉人爭說塢扁新。

茂松庾九鉉

土舍攸廬卜上仁扁楣隱約畫龍真安窩生顏工迄
夏少年點額禮圍春於鶴琴書翁一老與梅竹石友
三鄰主人管領人中景八疊名區眼界新

族弟 瀾

白石山中擇處仁翁之所樂樂其真梓桑護宅陰陰
夏花木盈階色色春志在逍遙非冗俗文多弘碩不
孤鄰是誰肇錫龍齋號早有神人夢叶新

安東權錫圭

白石青山卜宅仁一樓八景自天興早登蓮榜文明

運晚養花園富貴春家有胤賢能幹蠱座常客滿不
孤鄰誰知叶夢因為號塢上盤龍利見新

咸平李鍾宅

百年山水智兼仁二樂高風見子真夢入江湖多此
日淚浹京國感前春陳樓在上浮豪氣莊逕開三結
好鄰豈是尋常終老計暗隨雲雨畜精新

族姪正言圭三

夢中嘉號得神仁扁壁模來肖像真塘鑑開張三夏
月庭花管領四時春晟世蜚英司馬宅幽岡潛伏卧
龍鄰得雲非是塢中物第待河清利見新

族兄 晚源

賢吾上舍富而仁扁額分明夢亦真圖畫長懸葉公
壁風塵高卧草堂春蟄同詠檜誰能識御若登門世
莫隣若類龍乎盤這俗從今日日又新新

進士南陽洪憲杓

司馬化龍擇處仁神工復入寫清真厚樸功告開年
月華閣陰深喬木春堪憐儲冊傳來世爲說多金買
此隣從今教化鄉之士同被伊公德日新

清道金商一

龍塢攸居擇里仁滿庭松竹養清真聽碁流水長消

夏把酒層欄共賞春天錫嘉名將協夢地占勝界不
孤鄰主人頭上看花白盛世吾東德日新

茂松庾聖泰

龍塲主翁卜智仁樂山樂水養天真交友衷情淡若
水接人和氣溫如春藏書千卷家傳業施惠一坊德
有鄰晚年肥遯無過此修葺雲仍繼繼新

林川趙漢榮

靈區水智又山仁今有高人可養真老竹方看寒後
歲好花多種別般春友兄方在中軍宅賢姪同居上
舍鄰晚暮藏修於此足楣題龍塲倍生新

晉州姜崙秀

多文爲富德爲仁龍塢齋翁性率真清閒梧葉三更
月湛樂棣華百歲春栽花幽趣心無斃喬木家聲道
有隣進退江湖憂國志葵心一片也存新

錦城羅鍾觀

樂永樂山兼智仁靜閒日月自尋真庭梧好得三更
月軒竹淡藏萬古春號錫神龍占夢瑞身登司馬賀
親鄰從今邱壑留精彩一倍德林門戶新

綿城朴寅采

地逢賢主兩相仁洞裏真人翁是真澹泊心懷開霽

月泰和氣像見陽春詞林風動漢唐世說苑化添鄒
魯鄰神龍大夢誰先覺利見庭前蘭玉新

回甲次韻

族兄 晚源

光陰六十已先天極老星回嶽降年蘇鶴南飛歌以
頌荀龍東聚福應全宴樂莫云今世上劬勞敢忘此
生前不聽介壽還施惠萬口豐碑四境連

咸陽吳秉植

百花三月政佳天鄭上舍家祝壽年外遊東館成均
選歸卧南陽賦命全六枝棣萼同歡席千歲桃盃互
進前省宴爲施何狀惠願言此慶世相連

晉州姜天秀

白頭滾到甲周天斯日今年是慶年江湖清福占先
厚雨露恩波添亦全斑彩袖翻春晷裏菖蒲酒熟鐵
花前願言從此來來歲還算綿綿去去連

茂松庾九鉉

老人星耀極南天應任主翁回甲年富貴花辰三月
吉康寧箕福一身全是子是孫能裕後難兄難弟亦
無前此日賑分和氣溢千村待火頌聲連

族弟 止源

難忘劬勞感昊天昔年丁巳卽今年名揚盛代登庠

早恤及歎春補戶全斑衫戲綵趨庭下白髮康寧醉
座前玄鳥亦知當日賀翩翩飛舞盡堂連

族弟 升源

壽福元來係是天昔年此日又今年恤窮坊曲千金
惠種德人間五福全瓊璋寶彩青衫內琴瑟閒情白
髮前無疆遐祝斯民願自是門庭和氣連

蔚山金德中

碧桃三月茂松天鄭上舍翁回甲年荀氏八龍皆叔
伯謝家一鳳又兼全數莖柏葉紅樽裏萬壽山光白
髮前谷口子真真是否無疆福祿續應連

蔚山金始中

南極星光照極天此翁六一夏遐年汾陽福祿那無
祝谷口家聲尚得全晴雲高蹈東溟上赤日孤忠北
斗前滿園風樹猶爲慕云是吾邦小大連

南陽洪在新

鸞賀江南三月天絲袍仙客降斯年頌碑不是管絃
比仁壽可希福履全松鶴圖成祿厥後蓼莪篇誦感
於前恤親濟族范公蹟古置義庄今又連

靈城丁裕錫

壽星光彩燭南天白首青松順一年貴猶忘勢心常

奉富亦爲仁德是全肖子賢孫龍塢下研賓講友鱣
堂前鐵花特發菁川雨摘句成章累幅連

回甲贊

茂松庾一鉉

世之弧辰旨酒肥肉永日歌鼓父舅以速惟鄭庠翁
年周甲六劬勞感恩三復咏蓼先君種德於斯降福
早登蓮榜晚致金谷雙閣友瑟三孝彩服盈砌花架
滿室書簾積而能散惟心素畜憐彼窮困哀此癯獨
邑蠲戶金家給斗穀男女囊橐老少擔卜艱窘春節
舉火千屋俶載耒耜有聲杼柚道路歌詠閭巷誦讀
口碑何壯貞珉煥郁善何無慶德必有祥維時降祥

天翁穆穆子子孫孫千億其淑流芳來世聲滿大陸
顧吾懶散身瘡氣縮宿已灌耳久未括目贊以芻說
頽覽是祝

石谷面多士

世之當周甲者財力不及則已財力可及則以旨酒
嘉肴廣招賓友以爲娛遊而甚者至於連日張樂若
具慶者雖云可矣而年過六十雙親具存者世間幾
人乎鄭上舍龍塢翁年當寶甲超然遠覽不以衆人
之所樂爲己樂而以風樹之悲爲己悲前期數日命
于家人曰某日即余之初度也程叔子不云乎人無

父母生日當倍悲痛今余三復此訓悅如爲己而發也且時事岌岌仁人志士深吁永歎之秋則何忍置酒張樂乎汝曹勿以無益之費得罪聖訓可也然若如是而止則人之不知者或有以我爲愛不若捐其宴費以恤貧乏也是日早朝朗誦蓼莪詩一篇示家人以劬勞之感而散出數千緡金傾盡數百斛粟先於窮親後於鄰里以及於一坊之貧戶無一不被其澤青州救民洪皓活佛奚獨專美於古耶翁可謂積而能散富而爲仁矣嗚呼今之牧民者歲饑而不知發民或有餓莩者則曰非我也歲也若使聞公之風

則豈不慙然乎萬口頌碑洋溢於閭巷之間在翁雖
無區區望報其在受賜者豈無僕僕感謝乎甲日何
時赤已暮春之三也既述其事又從而贊曰

維翁之攸居兮德林之谷德有鄰而不孤兮人其如
玉維翁之嘉號兮龍塢揭額龍德其正中兮普施厥
澤日月忽其不淹兮年當滿六感劬勞之罔極兮不
許宴樂輕財而貴義兮惠及坊曲我無饗飧兮非翁
曷食我之襦袴兮賴翁而服嗟余無物以相報兮敢
獻一言之頌祝積善家而有慶兮吉无不福黃流在
於玉瓚兮其理不忒眉壽其永年兮黃耇無域勿替

其引之兮受天百祿鸞停而鵲峙兮子孫千億

輓章

光山金相甯

命途脩短摠由天恨不饒賢遽作仙半生詩禮心全
地三載巖壇淚瀉泉庭蘭並秀堪傳後棣院相聯繼
述先騎竹舊交成浩恻臨輶祇自涕洟漣

晉州姜天秀

三尺美鬚炯兩瞳風儀真似日生東所思奚但門閭
大絲穀恩波萬口中

亭榭久營數畝園春歌忽斷百家村化者豈皆天命
否臯呼伊日暗傷魂

春回龍塢舊花枝
花露渾如含淚悲
歷歷手痕來觸目
親朋其奈入門時

族弟 瀾

同年同族又同情
此日難堪痛迫情
遽作人間千古別
從今無處話真情

咸平李鍾宅

昔登龍塢齋談笑
滌煩襟此行不復見
典型更誰尋
棘人能幹蠱亭子起
雲林也應泉臺裏
悠然一古今
填篋式相好胡爲損
李方平生慷慨志
今忽琴俱公
氏礫滯陽界芝蘭委烈芳
余非忘情者不禁雙涕長

全州李福來

回甲六旬有四年那知訣淚長兄前良醫靈藥無情
地孝子仁孫不幸天南國名高太學士北邙哭送一
儒賢病生倦骨違奔慰獨抱荒辭替訟愆

光山金相寅

星星白髮七旬春壽福康寧率性真樂在棣園聯枕
被名登蓮榜效忠仁停車處處傷悲客致奠街街拜
揖人青山萬里公歸路幾箇衣冠淚滿巾

錦城羅相綸

晉陽古宅繼先聲龍塢堂前遺業成紫極榮名題鴈

塔青山何處表麟塋
葵忱楚憤忠臣淚
我詠劬勞孝子情
一曲薤歌那忍聽
寒雲鎖斷日邊城

咸陽朴龍淳

同庚嘗擬壽於吾況復仁忠世所無
正月初聞公病矣季春永逝孰知夫
能兼富貴無餘恨那忍情私棄二孤
影響寂寥何處問青山默默鳥空呼

延安李鳴九

自少情親老益深
今朝齋誅淚盈襟
鄉里相同元亮菊
岷泮獨許伯牙琴
園棣已違多缺恨
庭蘭特秀森餘陰
仙侶應招司馬士
白雲玉局共登臨

靈城丁裕錫

山嶽精靈降有公德兼忠孝孰能同湛樂六華聯棣
院榮名三等著芹宮得壽由仁心地泰期貧以惠口
碑豐嗚呼望哭壇前淚不滅人間瀟灑風

安東權寧燮

晉陽華閭鎮南邊世教能扶有此賢早年金闕簪花
士晝夜玉京騎鶴仙人謂交公皆李御世無知我獨
牙絃病側相歌今幾夕空樑落月色尤憐

光山金在憲

早春洛陌看花盡晚歲姑蘇闢卧寬傷心萬事榛苓

淚歸侍玉樓步月寒

金海金俊培

石隱堂前六棟樹一花零落正堪憐
戀君貞志還爲祟下士高風已有年
公道七旬惟白髮人情萬里奈黃泉
遠近儒林來會葬滿天悽雨淚漣漣

昌寧曹秉彩

生仁死義自天真名實無非學力新
來世也修青史日斗南第一有其人

驪州李鍾詰

一生德義此心全事業人間莫或先
惟有西山東海

迹遺風百世也相傳

族兄 普源

後我一年先我歸吾門自此許心稀
仁人胡不享遐壽天亦難謚理亦非

族姪 休泰

我公行義世皆稱康濟人間事事能
明時吉夢祥龍得早歲榮名司馬登
業傳桑梓田園闊靈入蓬萊水月澄
痛歎後學還相慰肖子仁孫善繼承

族姪 休渾

稟性率天真享年近七旬香翻寶樹
院霜落桂花春

詩

幽蘭見君子美芹知野人音容今永隔情緒向誰伸

族孫 時默

少年太學擢芳名儒雅文章一代鳴御家勤儉曾遺
訓值世艱難未展情萬口爭相歌惠澤一抔那可埋
仁聲痛哭九原終不作瞻望多士淚盈睛

光山金箕燹

天借大觀遊豪華七十秋名高太學館起合范公舟
誰識隱君子我愛仙風流去後千年蹟一層龍塢樓

族姪 休暢

人言國不幸族言門不幸國門猶如此況其家不幸

族叔 鍾震

吾宗老進士淳朴古人心庭前多謝樹橐裏散疏金
追先豎墓碣偕老續床琴遽爾成千古臨風淚滿襟

族弟 止源

龍塢當時名湖南藉藉名不欲聞虛名益垂死後名

族弟 警源

聞兄之訃哭兄葬執紼難堪花樹情名垂竹帛千秋
義德頌碑文萬口聲永年幽宅青烏卜此日新塋白
馬行筵歌一曲丹旌下嗚咽斜陽涕自橫

靈城丁大秀

詩

公昔於吾愛重焉獲承警款已多年恩浹北闕題名
士望重南鄉有德賢荆院餘情憐白髮蘭庭遺業守
青氈未能執紼徒瞻望流水空山淚汝魂

祭文

清道金商一

嗚乎哀哉我公之生河岳毓靈厚重其質清秀其形
知圓行方望儼卽溫儲書講道教子教孫傾財周急
自親及鄰溫溫其德與物皆春公家吾鄉最是大昌
家傳忠孝世襲文章白眉筮仕位重二品出鎮闔外
威令凜凜忽焉時屯蒼梧暮雲歸卧江湖憂時憂君
公登上庠賢咸聯璧難兄難弟是姪是叔五星聚井

一門清福載子有邁淑孫有或照耀門庭芝蘭珠玉
夢叶休祥齋揭龍塢烟霞八景湖海一致忝在末契
講磨麗澤相規相箴至老益篤器分薰蕕性同桂薑
花朝月夕慷慨壺觴春蘭秋菊文酒徜徉意謂此樂
永矢不忘豈料一疾遽作此行憂國如家血淚望北
因而成病竟至不淑公年後我登仙則先人事難謚
天道胡然顧余老脚疾病支離匱乏之日竟孤送輶
情禮俱闕只切漣沔光陰不淹奄及小期遣子代哭
致此蕪辭靈若有知庶幾默思嗚乎哀哉

龍塢續集附錄卷之一

龍塢續集附錄卷之一

龍塢續集附錄卷之二

詩

龍塢亭次韻

領議政驪興閔泳奎

龍飛空塢有亭清實蹟非徒一小成
面積數椽縱未目耳鳴千里稔聞聲
占基勝擅長沙郡向國孤倚北斗城
世好情私辭不得墓題欄藻壘懷生

直提學漢陽趙胤熙

茂松一面絕塵清亭以人名好境成處士當年修舊
德肖君今日繼先聲凌虛軒廠臨無地呈淑溪山繞
似城馬首何時登一覽湖南千里暮雲生

詩

後石錦城吳駿善

一區泉石十分清谷口主人新築成大野寬閒圓作
界四山盤鬱繞如城久知厥考將胥宇却喜賢郎遠
繼聲窈窕林亭無俗韻庭花饒笑澗雲生

參判海平尹甯求

一區龍塢十分清有志多年棟竟成烟霞爲癖人無
累詩禮相傳世有聲座中談笑傾湖海楣上詩篇動
雪城慚愧而今忝姓字記不農圃老書生

晉山姜熙秀

幽庄開局洞天清特有名亭龍塢成已逝於公終事

業爰來賢胤動家聲方塘水活明如鑑晴嶂雲環勢
作城聯板詩文爭獻頌一門和氣倍光生

靈城丁裕錫

龍塢亭前水自清主翁心志胤君成宗族序倫同室
樂雲仍隸業古家聲簪花吉夢湖南省依斗孤忱漢
北城盤桓遺址傳嘉號草木山川賁彩生

昌寧成永文

龍盤古塢夢魂清肖胤當時繼志成月色荷香渾繪
事松飈澗籟自琴聲滿腔義氣能衝宇連架詩書肯
換城盡日倚欄情不盡所懷無限感吾生

翰林南陽洪鍾榮

擇地恰收八景清居然亭子翼然成塵喧拋擲宜寧
靜家範傳承不墜聲山美溪鮮宜腴土樵歌牧笛破
愁城路長水遠人何古聞道桃源樂一生

昌寧成永琦

山益秀明水益清天教亭榭待時成孝子經營今得
就賢人踐履乃傳聲仙馭龍飛天北極地靈鳳舞郡
南城菊松皆是斯翁趣向晚登臨百感生

郡守趙敬植

德林詩禮一家清地勢龍盤小鳩成八景難模圖盡

手四時不乏誦絃聲靜觀活魚遊碧沼閒隨老鶴返
青城蔚興文風高士後南州多許魯諸生

安東權寧燮

一樓高似坐三清何必仙方開廣成堤水映欄開鏡
面松風拂戶聽琴聲當世芳名鄭上舍故家華閭晉
陽城夢中龍塢因爲額世世也應孝思生

恩津宋鍾哲

塵雨盈寰龍塢清當年肖子肯堂成源頭水活方塘
面寒後松高一壑聲靜理圖書雲滿榻閒談琴酒月
橫城戒之花石敬桑梓孰不於斯感慕生

前集卷之四

錦城羅鍾寬

傳家緒業一心清肯構新亭賀落成
元禮門前登士望武夷溪上聽歌聲
國憂未了瞻雲極塵念都無遠
市城龍塢應由天秘與共君何日樂餘生

咸平李英煥

凌空臺樹枕潭清有志宵君此竟成
庭草交深春雨色園松高守歲寒聲
憂時素志圖鵬海望美丹忱繞
鳳城亭則雖新人已舊臨風把酒感懷生

長興高禮鑑

地與名亭兩得清先公經度後賢成
龍歸古塢猶

跡鳳下朝陽更有聲
惘赤曾輸雲北闕
汗青應耀海南城
晚生此日登臨晚
滿袖遺風喚感生

仰慕契和韻

全州李綱洙

初成契事已經春
講義論文適此辰
食報千秋潛以用
遺芳百世舊維新
林中泉石輸情極
案上琴書樂道真
龍卧岡前梅與鶴
肖承管領有斯人

恩津宋鍾哲

龍塢亭成度幾春
續修契事際良辰
滿川風月猶如昨
連砌花林更欲新
走卒知名遺化浹
鄉鄰感惠厥施真
兒孫繼述將無限
種德門庭不乏人

族姪 休泰

先生盛德一團春濟會儒林迺此辰栗里清風猶是
見藍田古約復今新由義居仁無愧怍斥邪衛正樂
天真契誼從來同講日湖南斗北幾多人

族姪 休渾

設契慕賢今幾春團圓此會適良辰詩書滿架家聲
舊花石環庭手澤新鹿洞講規傳有美藍田鄉約認
爲真斯門興感誰無有在族微忱倍過人

竹山安東淵

盎然餘化一團春慕仰先生今幾辰芳蘭襲美家聲

大寶璧聯輝德業新聞庭風月胸襟闊滿架詩書手
澤真盛會此亭非別事只將心法共諸人

全州李文永

挹薰沐化僊同春敬慕彌增修契辰弟子微忱今似
昔先生邵德舊維新仰瞻北斗文名屹教喻南鄉學
業真團會成規深意在此遊不是樂間人

族姪 程軒

座上團成和氣春慕賢戀德已多辰從知心法相傳
久聿觀鄉風一變新滿箔青山生眺遠方塘活水有
源真此亭此會刮磨足僊似當年薰炙人

前集卷之二

念齋月城崔勉植

千里瞻望已十春偶然參席在今辰
窓前風月襟開闢石底林塘鏡鍊新
後學堪求道晚遺編省識積功真
遙知羣士相逢處跌宕吟觴少一人

松川長興高禮鎮

景仰清風在昔春團圓契事此良辰
冠裳淡集義初盛道義相磨契更新
蠡酌未能斟海大鳳毛猶足繼家真
塢亭數仞高如許親見門墻有幾人

長興高元桂

憶昔趨前坐了春今爲仰慕卜良辰
德林山水多鍾

毓龍塢門庭更換新行守謙恭追月試道存孝弟樂
天真青磔白哲同修約摠是鄉中聞望人

族弟 世涿

公壽七旬一夢春儒生正是感傷辰忠能報國成仁
極孝亦根天錫類新遍砌芳蘭薰有襲枕出書閣寫
爲真此選不但謀修契相講遺規學古人

南陽洪在新

義若凜秋德若春心規學得獲麟辰晴霜白日跡維
舊霽月光風儀夏新踐益安詳皆地寶襟猶飄灑自
天真于今仰慕還如昨先覺是人覺後人

錦城羅相綸

龍塢遺芳和氣春滿庭花木又良辰登進對酌朋來
舊押韻吟詩客語新遠近同聲皆知樂東南盡美各
尋真慕賢講誼吾徒事大異蘭亭多少人

茂松庾世鉉

先生元氣若和春尚德諸賢講此辰滿壁圖書多感
舊層階花石更看新濟濟甫冠依制古洋洋活水溯
源真契中多少斯文事盡是當年薰炙人

族孫 東煥

羣英會合座生春况復清和首夏辰山水名亭公像

儼王孫芳草客愁新契修款款風流古社結濛濛樂
事真談屑轉清盃酒爛蒼顏白髮醉醒人

茂松庾東璉

刺桐花發更看春修契諸生際此辰一區水石襟懷
冷四壁琴書手澤新畢至羣賢蘭社是行吟君子樂
窩真渾忘世外囂塵苦自謂人間太古人

驪州李鍾喆

憶昔團和已十春盛筵契會卜良辰庭前花石猶依
舊門外溪山更欲新望哭徹天忠義大遺篇警世道
源真從知好德多餘慶肖子賢孫繼有人

前集附錄卷之二

族孫 昌默

衣冠濟濟一團春。此會非吾浪度辰。
三月蘭亭時已古。千年洛社事維新。
青山白水風聲在。細草閒花夢想真。
薇露淡淡晨盥手。遺文跪讀卷中人。

昌寧成夏駿

陰綠林芳猶勝春。龍亭佳會適茲辰。
一觴一詠幽情敘。非竹非絲樂事新。
鑿沼庭前源水活。儲書案上道心真。
此日每年珍重約。祇緣仰慕在前人。

驪江李仁九

一團盛會優成春。契事初修是吉辰。
龍塢門庭尤異

彩德林山水倍生新早承學問淵源正晚守清閒道
味真從此令名長不朽仰瞻非獨我鄉人

光山金在科

契事初成庚午春雅冠濟會吉斯辰一川花柳輕風
轉五畝桑麻細雨新惠澤鄉鄰均義普仁聲遠邇感
天真靈區山水今如許百世遺光耀後人

光山金在珪

先生歿後幾經春遺像儼然感古辰淚沾望北巖維
舊名擅湖南亭獨新雲山翠碧存心靜潭水澄清見
道真風雪浴沂吾黨事倣成今日詠歸人

全義李鍾烈

德林士會優成春臭味生香適此辰二樂水連山共
碧一般風與月雙新升堂欣若動和氣入室儼臨存
影真白日晴霜無限蹟永年願慕幾多人

昌寧成殷修

承誨承顏一夢春不期此會卜良辰龍亭遺業千秋
遠鴈塔芳名百世新盛門雅範誰無仰畫幀尊靈儼
寫真羣賢畢至講修約儘是吾鄉同志人

咸平李俊緒

先生大義讀王春仰慕諸賢講舊辰鴈塔芳名終不

朽龍亭勝槩愈生新清風一世遺聲遠落月千秋照
影真山斗高望因設契後人庶可繼今人

全州李康植

此契經營定幾春講修盛會適斯辰先生遺訓年維
舊後進追思日愈新霽月光風胸不滓仁山智水道
尋真奇珍席上多儒子濟濟衣冠某某人

昌寧成寅修

追慕先生和氣春後生講會適茲辰圖中省識儀型
儼館下文章令望新洛社風流傳後代蘭亭勝事寫
前真遺薰餘馥無窮極膾炙人間遠近人

金海金容觀

仰慕遺薰殷若春年年講會是良辰
德林洞裏烟霞遶龍場庭前花木新
俊髦濟濟衣冠舊芝醴源源事業真
零風沂浴今日奚但詠歸六七人

達城裴聖洙

講會年年是暮春
祓蘭勝事又良辰
能令名構光榮遠
尚有遺文手澤新
百世聞風民興起
一般慕義士清真
高山可仰景行止
自是成規貽後人

光山金在聲

塢亭高出德林春
慕我先生適此辰
白髮江湖殘夢老

已丹心日月義彌新南岡曾是龍潛處華表遽何鶴
化真雲淡風輕淡意味少年亦不儉閒人

茂松庾允鳳

仰慕今幾春矧茲修契辰觀水方塘靜對山德里新
敬意申思際粹容奉影真充然如有得始覺遇賢人

族姪東淳

龍塢卷藏萬古春登臨士友際良辰庭梧月若前宵
霽川柳風多此日新爛熳稱榮看地的緇衣好德覺
天真非緣栢悅由松茂興感皆爲吾黨人

光山金在濬

前集卷之四 目錄之二

清和會事勝於春美盡東南講義辰寶樹有聲風不止
德林增采日生新冲澹雅契斷金利卓異良姿磨
玉真好懿之心無彼此年年莫作未參人

承旨晉州姜大提

此會經營在暮春蘭亭遺事復今辰古塢風烟傳葉
好芳林花木向陽新文猶瑞鳳衰何德慶合騰龍夢
是真善於繼述終身慕夏仰肖君天出人

咸陽吳國渙

入門渾若一團春追慕非惟今晚辰惠及鄉鄰歌頌
久化添草木彩輝新請以絲陰期去信仰猶明月影

來重塢亭高出蘭亭後無限清風動世人

全州李殷聲

追慕龍翁和氣春羣賢講會通今辰斯門文藻風猶
古永世金蘭契亦新自是登堂如在右幾多陪杖共
尋真須知餘蔭將無限繼述他時又有人

族孫 京默

蘭亭已古永和春仰慕諸生又此辰瞻嶽懷多周雅
興斟傷意切舜羹新高風百世開來學遺像千秋寫
本真江水泱泱山嶽嶽斐然君子不忌人

族弟 壽源

新塘集附錄卷之二
先生厚蔭有長春契事初成追慕辰龍塢山川皆擅
勝德林花木更輝新數郡同聲稱盛德千秋遺像寫
元貞回頭爲愛昏衢燭扶植彝倫世幾人

光山金在璘

拾翠題紅一椽春名亭契事會斯辰想顏峯月依依
在養德園林歷歷新壺觴列座非謀醉詩禮傳家尚
得與吾述雖靡阿好意俟他來世立言人

昌寧成卿修

一亭佳氣四時春蘭契咏觴又此辰遠方來悅懷猶
舊沒世無諛德益新揭圖山水誰知樂顏案琴書自

得真裘業承家能善述回看今古少伊人

光山金箕現

風浴巾衫已製春詠歸際此晚晴辰一區形勝亭成
屹四月清和物換新暮途車笠同誰好恁地溪山有
主真追述遺薰多仰想後猶今視昔時人

平澤林在鉅

先生薰業帶長春日月雙明拱北辰潭作濂溪遠可
愛村溪栗里菊猶新德音粹若風宣化靈像儼然道
覺真契飲斯亭多少慕詠歌不絕摠今人

昌寧成漢修

和氣融融座上春
名亭契事屬良辰
青氍遺業傳家舊
爲几勤工琢玉新
甚偉衣冠咸少長
閒來境界本清真
南州公望如山斗
想像風流第一人

茂松庾聖泰

憶昔蘭亭既暮春
清和是月適良辰
羹壚如在思猶切
几案若瞻慕愈新
洲波無滓觀心靜
庭草不除見理真
餘慶承承能繼述
肖君又是克家人

和順吳致璋

龍塢亭開在昔春
百年盛會始今年
芭蕉窓下琴書靜
松菊邇中杖屨新
信地爲山瞻嶽近
臨時聽水覺

源真青瑣福蔭傳無已世有公家繼述人

族姪 休亮

夢寐依依泮水春高山仰止若星辰家中多寶青瑣
舊門下羣交白髮新今見福州爲繪俠誰知谷口隱
名真龍亭不俗鴻痕在流徽清商幾箇人

平澤林海應

龍塢風聲仁侔春舊邦吾道復今辰暎階草色年年
綠潤礎雲心心日日新名世文章登太學清家善行率
天真仰思繼往開來業庶可爲宗後代人

全州李光夏

新刊集附錄卷之三
團團和氣坐如春追慕承顏受誨辰白髮歸鄉三德
仰丹枕望美一方新先生已歿猶餘道後學無依孰
守貞龍塢亭高明月在年年此會幾多人

光山金在駿

會似蘭亭癸丑春咏觴又是暢幽辰烟雲滿地胸襟
闊書籍盈箱手澤新思入羹牆惟德望仰如山斗本
心真空樑屹屹月猶在池夜應多遙憶人

咸平魯瑛杓

以詩規社自前春南下文章共此辰村容澹泊萬松
密楣額鮮明三字新邈世翁曾扶大義登斯孰不發

袁真古有蘭亭今仰慕先生去後復何人

新平宋漢台

渾然和氣一團春只恨平生不遇辰
每依星斗忠心竭久設書帷教道新
俯仰中間無足愧啓開後學得其真
有是肖君能繼蹟刑家以法及於人

清道金在燁

龍亭會事一團春追慕年年記此辰
高山流水清風在叢菊芳蘭節候新
華扁堪足依瞻仰瓊什誠難寫
通真曠感千秋同志幾使今視古亦伊人

安東金在澤

登堂恰是紫陽春仰慕悠悠相講辰石屹亭高靈若
見天防地築址猶新先君在昔親承誨孤露傷今倍
感重趾美肖君能善述榮名又是一賢人

信川康鍾澤

龍塢亭溪不老春祥雲瑞日每良辰園通古逕陶松
翠戶對前川程柳新物與同胞名拔萃行爲兼善道
尋真彬彬多士慕賢意元氣東方有幾人

族姪 束爽

龍亭會似蘭亭春契事從容樂此辰一洞烟霞猶不
俗滿庭花木各生新望如山斗名聲屹見以羹牆肖

像真永日遊瞻誰所寓吾公去後巷無人

高興柳一善

先生和氣一團春追慕餘情會此辰何處修文分李
職曾年題塔採蓮新允矣高風恢雅尚爾然遺像寫
清真驚賀佳賓驚喚友龍亭盛事樂吾人

族姪 健柱

人之慕仰已前春踐約又今會吉辰憂憤生平千古
義聲名歿後一時新始知別境能超俗因賀學源自
有真龍塢亭高北樹好並將契事屬吾人

長澤高濟南

講信如何不用春先生誕諱昔花辰君子道流源遠
會公孫芳樹葉生新豎石遺壇存以淚在堂肖像得
其真偉乎此席年年又自是吾鄉士有人

清道金秀謙

先生去後幾經春修契羣賢會此辰百世薇岑風已
古千秋篋海月猶新淚痕沾石忠懷憤誠孝根天性
率真肖胤况茲能繼述南州誰復有斯人

族弟 弼源

先生歿後幾經春愛以遺薰悵慕辰歟德無忘增感
舊斯文不墜夏修新夷齊義蹟曾無愧洙泗淵源亦

有真龍塢亭中多少友均爲今日仰瞻人

商山金根鎬

誨喻醇淳渾似春諸生薰沐昔何辰式刑忠孝家聲
大餘事文章手澤新山嶽鍾靈元氣聚洛濂通派道
源真年年修契登亭日此會誰非仰慕人

錦城羅度淳

行義若秋言若春九原可作恨無辰尚存手澤簡其
舊如在精靈祠亦新匪風故國心常切孤竹殘年節
有真惟天假以公之壽南土應多浹化人

錦城羅大淳

前集卷之三
偏憐幽草澗邊春憶昔先生甘遜辰谷口烟霞依舊
遼門前書帶至今新羹墻興慕遺風遠蘭室相招趣
味直一闕緇衣山日永好賢不獨美詩人

密陽朴淵碩

義若高秋和若春先生出處適其辰風霜高深青松
老雨露均沾惠澤新全省蔚興誠不偶諸生薰炙實
由真儒頑猶識欽而慕此會人人盡可人

商山金幸源

涵泳一團和得春無思不服會良辰氣像雍容喬泰
屹胸襟快闊海河新惟欽惟仰心無數於孝於忠忙

率真光風霽月徘徊立拱手摠衣濟濟人

望哭壇立碑和韻

恩津宋鍾哲

黃馬國哀涕海東翁能誓不一天同三千疆土無人
世萬古倫常墜地風血淚淋漓壇石上丹忱鬱結痛
胷中未成志事身先死追慕吾生恨曷窮

昌寧成寅修

陽脉昭然道在東維公志氣與誰同痛徹霜楓天陞
下傷深禾黍故宮中矯頭悵望蒼梧月舉目那看偃
草風雷得峴山墮淚石千秋記念恨無窮

益城金容德

生公間氣幸吾東自是斯門仰慕同千秋如見滄溟
月百世猶存雷首風淚痕留得峴山上道派流來洙
泗中望哭壇前三尺碣壽傳懿蹟也無窮

錦城羅度淳

夷老登西魯踏東古今時異義猶同天涯日沒瞻依
斗海底雲沈泣湖風巖巖素望曾殊表烈烈丹忱尚
蘊中壇上淚痕終不泐水枯石爛恨無窮

清州韓泰履

望壇屹立海之東一片丹忱孰與同涕淚因添梧野
雨哭聲嗚咽茂陵風德尊鄉國公褒上義炳春秋獨

執中追慕先生修己行也應其積在研竊

族姪 柱軒

先生志切復吾東炳若春秋孰與同寫晉史心元亮
老守殷義節伯夷風斑斑血淚孤巖上漠漠淒雲落
日中一片短碑能記實長令後學恨無竊

長興高元柱

先生出處著吾東炳炳丹心孰與同凜矣精神篁海
月儼然氣節首陽風貞珉記蹟遺傳後公議祠祠仰
慕中望哭當時淒切痛茂松山水也靡竊

商山金根鎬

詩

望哭壇成龍塢東蒼蒼松柏歲寒同蹈如魯海千層
浪瞻彼夷山百世風涵泳當時休養裏詠歎後日感
淒中歸天若得吾皇侍死諫其言應不窮

昌寧成漢修

清聖登西土蹈東古今忠節也相同三千里域嗚呼
裏五百年朝痛哭中血淚斑斑凝暮雨吞聲烈烈動
寒風先生應是靈無昧壇下彷徨恨不窮

靈城丁永祺

天降尊公耀我東推崇輿誦一辭同彷彿清光惟霽
月丁寧和氣合春風時屯蹄跡縱橫裏志在熊魚取

舍中遺壚片石如相待長使後人感不窮

完山李綱洙

頽波砥柱屹吾東蹈海登山氣義同炳若春秋爭耀
日凜生今古動清風靈魂陟降瞻望裏涕淚縱橫跪
拜中百世遺芳輝石面後生仰慕正無窮

完山李康植

築壇痛哭小山東一片孤忠誰與同揮淚南雲蘇武
恨採薇西畝伯夷風蒼松特立寒霜裏紅燭長明昏
夜中懿蹟溪銘三尺碣孫孫子子繼無窮

清道金秀巖

千里孤臣哭大東
龍翁特節世誰同
淚眼當時望斗
北
誓心嶠昔八山中
蒼茫虛影天無日
嗚咽寒聲海
有風先生去後遺
壇在綠草年年恨
不窮

長興高禮鎮

黃馬何年哀我東
維公依斗孰能同
血痕猶帶前朝
淚
義氣高攀百世風
鼎水弓刀瞻仰裏
茂陵松栢痛
悲中望壇儼儼貞
碑屹可使芳名永
不窮

昌寧成桓奎

拱北臣心如水東
生三吾道事其同
蒼梧山色愁雲
裏
仙李春光悽雨中
一片丹忱並日月
千秋義膽動

霜風南望哭帝蘇郎後又有龍翁淚不窮

驪州李仁九

百尺壇高名我東先生事業有誰同效忠較看葵傾
目仰德從知草尚風的歷血痕雙淚下昭明義理一
心中儼儼貞碑傳懿蹟長使吾徒感不窮

清道金秀益

皇天不吊我邦東望哭有公孰與同老栢行吟依斗
北蒼梧淚灑向雲中義存高蹈懷齊海憂切深歎賦
檜風賢胤殫誠能繼述一家忠孝自無窮

清道金秀謙

降割皇天不吊東臣民普痛八方同蒼梧秋色無情
月綠草春光有恨風一片丹心憂憤裏兩行悽淚灑
添中誓讎不報身先逝瞻仰貞珉感曷窮

講道金秉容

壇北哭聲徹海東堂堂義氣與誰同
卯山七月傷心裏善竹千秋鮮血中
望美寒天淒暮雨遺芳百世動清風
忠魂亦號泉臺下恨不窮兮感不窮

靈城丁宗秀

望哭壇高名我東遺臣血淚暮朝同
江南綠草蕭蕭雨斗北黯雲颯颯風
孤竹貞忠光耀後蒼梧賓陟渺

范中世人能效先生節庶幾王春挽不窮

錦城羅大淳

隗石嶄然在里東孤忠屹與此山同
萬里長懸魯海月千秋不減首陽風
淚落江南春草裏愁生漢北暮雲中
先生去後壇惟在堪使後人感不窮

靈城丁慶秀

蓬萊雲沒海之東貫日貞忠莫與同
草色喚愁梧野雨鵲聲啼血蜀岑風
杜依北斗瞻望裏蘇向南天痛哭中
七七郊山湛老後先生此淚又無窮

族孫 寬燾

節有登西長踏東先生素志古賢同斗邊孤淚蕭蕭
雨網上扶功凜凜風杜宇冤聲明月下蒼梧愁色暮
雲中可憐望哭壇前草春到年年恨不窮

光山金圭錫

先生生此海之東倚北丹旌誰與同晉史北窓香菊
露殷歌西崑冷微風疾痕猶見千秋後忠節難忘百
世中有志未成身便死使人追慕恨無窮

驪州李鍾喆

殷採西山魯蹈東炳然忠義也相同國哀孰有如今
日世變嗟無守古風一片寒心嗚咽裏千行熱淚痛

歎甲當時孤節誰傳得多士於茲感不窮

族姪 休泰

先生義節震吾東多士於茲觀感同至痛可移今頑
俗深誠庶動古仁風孤巖血淚斑斑上萬里蒼梧杳
杳中數尺貞珉能記實長令來學頌無窮

文化柳庠烈

先生之學道吾東哀慟賓天考妣同廟社蒼黃令叔
世臣民縞素古遺風綱常獨保春秋上恩義安忘雨
露中杜宇亦知望哭恨壇前叫月血無窮

叅判完山李鍾泰

詩

忠義堂堂立我東設壇望哭有誰同丹心日月明明
地青史春秋歷歷風聲名不朽千年後事業遺芳百
世中短碑一片高如許長使來人感不窮

密城朴岷鎬

戀君恒若水之東罔極哀情今古同千秋移得薇山
節百世流傳栗里風壇起淚痕巖缺裏坎成膝處土
凹中短碣有銘忠義字煌煌大筆詔無窮

族姪炳休

仁覆皇天不吊東罔涯痛哭野朝同膝當兩處巖成
坎淚迸千行雨灑風杜宇聲孤殘月下蒼梧山杳暮

雲中萬口頌碑傳美蹟海枯石爛也無窮

族孫 德默

伯夷西出仲連東
篁露薇歌厥義同一片丹心猶貫
日千行哀淚尚臨風
臣泣喬山龍去後民懷梧野鳳
含中誰非雨露均添下獨保貞忠頌不窮

平澤林海應

憶昔先生鍾我東
炳然忠義日星同他時螭筆旌高
德此地龜碑仰美風
鰲叟遺歌咸嶺上湛翁餘淚卵
山中能令後進多觀感百世流芳永不窮

參奉礪山宋柱憲

五百年來禮義東一朝沉陸神州同山河失色蒼茫
裏臣庶俱悲痛限中巖雷血淚千秋跡史載丹忠百
世風未死吾生案經恸到斯觀感恨無窮

彥陽金榮九

望哭歸來欲蹈東龍翁高節與誰同血淚斑斑壇設
上忠心歷歷碑文中西山薇蕨夷齊恨萬古綱常箕
子風德林山下一祠宇幘象儼然義無窮

光山金在駿

壇與忠高郡以東懼其泯沒士論同寒潭影轉三閭
月孤竹聲來二子風多日衰麻非飾外如霖血淚實

由中後人應有今人志仰頌千秋語不窮

咸平李性範

望北忠壇闢海東早鳴孝友世知同莫非賴化封疆
內誰是捐軀鬱火中淚沾巖面光爭日忱刻碑胸感
起風抱負經綸淡且遠後生景慕必無窮

德林祠奉安時和韻

礪山宋柱憲

受天降毓昌高門一廟巍然人共尊香火春秋今已
設山川精彩久猶存慈仁固是由真性孝友方能有
本源德望南州如此意從茲欽仰士多論

德林祠建闢師門君子由來三達尊春氣猶從和氣

詩

發慈心相與善心存詩書畱讀工無倦性理曾明學
有源誰識湖南賢士在嘉言懿行至今論

曲阜孔在渙

叔世挺生有德門人無不慕此賢尊廟過幽草香猶
襲牲薦新祠禮已存平日用心仁以本居家行事孝
爲源彝衷所在諸生會不怠遺風尚有論

益城金容德

明靈依主躋斯門士趨敬將俎豆尊長瞻山水風之
在常享春秋禮也存鄉閭萬口傳靡極伊洛千年溯
有源祭社崇賢今亦古不磨千歲是嘉論

恩津宋鍾哲

德林幽苑建祠門節彼高山仰彌尊大讀春秋惟義
視克明倫理此心存冰壺霽月垂真像寶鑑方塘活
本源崇報樹風均所性縟義今日協公論

商山金 坤

正冠今日視瞻尊實地躬行自立門憂國孤忠常念
在事親孺慕每如存財施窮節歌恩澤鄰接儒林講
道源遺像儼然人仰止應知百世有公論

長興高元柱

湜湜菁川聳地門歸然祠宇仰斯尊春秋俎豆猶餘

詩

德爲讀集附錄卷之二

二十六

卷

事日月綱常賴是存感泣風泉忠凜凜學求濂洛道
源源儒林邦舉今幾歲儀禮名家得正論

咸陽吳秉時

龍塢大闢德林門一代遺芳百世尊忠孝文章從古
罕俎豆禮節尚今存天長昏夜明心燭水闊滄浪濯
足源以樹風聲開後學東邦士氣正平論

平澤林在鎡

通開義路與仁門永錫龍亭位致尊錦館柏松含翠
拂首陽風月帶清存懸如星斗光千載流休瓊泉道
一源感賀奉安行禮祝出於朝野正中論

清道金秀謙

德林峯下建祠門明薦方知道學尊多士奉靈今日
始先生遺業萬年存竭忠義氣爭秋色率性真心達
水源栗里清風篁海月尚欽高節箇中論

族姪 休準

先生道義振儒門斯廟維新斯學尊蔚爾溪山餘彩
挹悠然風月舊儀存忠肝懷憤雙眸血誠孝根天百
行源惺惺一心心法在俾吾後進講而論

族姪 柱軒

猗我先師得正門畢生忠孝道維尊其於世教關尤

重庶使綱常賴以存簾外燭峯增秀氣階前羅水發
真源宏儒名宰多稱述小子焉能更贅論

彥陽金榮九

德林山下關仁門龍塢先生世所尊精禋香火千年
事嘉訓遺書數卷存兼備孝忠知道義繼開聖學賀
淵源登臨此地誰無感詩韻絃歌多士論

參判朴鳳柱

續緒晉陽世德尊白衣司馬哭天門光垂青史風聲
樹袞揭朱楣院額存萬古綱常彌宇宙一心誠敬湊
清源堂堂巾服歸何處大義千秋士亦論

族弟 警源

一祠翬建耀家門咸仰人間德義尊浩恻滄桑何忍
說明時禮法復今存西山久守嵯峨色東海長通進
就源奔走士林同感慕於斯孰敢有私論

昌寧成魯綵

恨不當年進諸門回頭無處理倫尊始看多士誠如
在追感先生道自存特立靈光猶此地從知醴水有
深源燭峯不泐德林碧百世清風相講論

昌寧曹秉彩

洋洋風馭入禪門道氣薰人人所尊慕有寓焉心可

前集卷之二
忘勸其善者禮攸存儼如山立看仁體德若川流見
活源始認縟儀天欲報也應後世屬清論

靈城丁弼鉉

松沙故址建斯門棹楔煌煌吾道尊日月炳忠龍塢
燦春風和氣德林存山含權域千年恨水碧漢江一
派源濟濟衣冠奔走夕薰香燒罷又經論

信川康基準

士林洞闢德林門一幅丹青遺像尊孝感天人和氣
動忠炳日月瑞光存鷺衣陪席高山仰龍塢方塘活
水源松柏圍庭依舊翠先生事業祝中論

錦城吳龍根

卜此德林敞廟門義親王筆額名尊奉龕遺像瞻前
在哭國荒碑望彼存多士趨踰芬苾薦有人繼述醴
泉源禮儀文物從茲覩將事之餘復講論

族姪 健柱

卜日初開德義門高山屹屹視瞻尊依俦塑像春風
動彷彿精神霽月存司馬揚名輝令聞潛龍得所畜
漢源先生忠孝兼文學追慕千秋有正論

族弟 經源

得地高明炳德門爾將祀事報三尊幽栖林壑生精

彩陟降英靈庶格存真影昭昭如坐月道心潑潑自
幸源優然有感優遊足更把遺書講且論

族姪 炳休

近來盛事晉陽門仰止高山勢益尊思慕追湔香醖
設頌言不盡臭蘭存德林帶綠春初繡方築合青水
自源百里長沙登樂譜一時多士有高論

族姪 來休

駿奔多士拜祠門天地中間道莫尊慕德千秋那裏
得扶陽一脉箇中存式陳明薦輸誠力將俾諸生溯
派源惠我熒熒闕蔽塞恍如親炙聽高論

族孫 德默

先生鍾我晉陽門牖後真工德義尊一尺壇成忠淚
落數間祠築氣靈存邱壝照耀添精彩溪澗淨清動
活源不是子孫誠孝發慕賢多士立公論

光山金在正

龍亭南又德林門名畫新光瞻慕尊一代文章靡遺
燭百年忠烈不泯存簷頭山色多精彩枕下泉聲有
本源遙憶春秋享祀意林林士友滿腔論

平陽朴魯宣

茂松園裏德林尊奕奕堂區迺立門陰騰精靈求必

青坡集附錄卷之二
格苾芬孝思誠斯存泮水丹衷芹美味晉陽世冽醴
真源算來千古人間事百世流芳後有論

信川康時永

祠宇新成光里門先生名德久尤尊悲深弓劒忠肝
烈感切樹風孝思存扶植綱常爲已任講磨道義立
心源苟非小子阿其好賢宰當時已撰論

廣州李錫洪

先生祠宇出山門望哭壇頭道益尊驚不徹啼宮栢
立鹿無侵觸墓松存青襟有慕菊同臭白石如磨水
發源龍塢伊今苾苾盛州鄰百里聽輿論

東萊鄭元謨

蔥蔥瑞靄擁生門萬古德林華額尊對越精靈如上下
貽燕謨類永遺存始知芬苾山同翠敢忘俎豆水
共源樹立皆從忠孝出後人寧有贊私論

辛州奇玉度

祠以德林尚德尊風塵不向鎖深門奠儀何適三春
暮氣像儼然百世存古宅文華垂裕後南州儒雅夏
尋源扶興吾道斯文幸從配前賢依士論

密陽朴濟宣

先生忠孝彰家門建築尊祠世德尊功業益新今俗

革經營已久此心存山環遺址增精彩水積方塘湧
活源多士詩文爭祝賀春秋俎豆箇中論

江華奉洛淳

壇築亭成又廟門一生樹義死當尊滄桑不敢祺文
墜俎豆惟宜古禮存早受傳經通藝法晚從師友接
淵源駿奔此舉扶風教追慕誠心各討論

東萊鄭昇謨

仁爲基地德爲門君子安安士必尊瞻濟衣冠應感
激春秋香火自溫祿長沙拱北千年岳築水歸東萬
折源煙禮將承芬苾後吾黨盛事復奚論

清道金秀豐

德林祠額揭于門多士妥靈稱達尊司馬榮光何足
貴神龍嘉號矢心存禮陳俎豆儀無闕義重綱常道
有源若使吾鄉將一變洋洋復講魯齊論

晉山姜浩永

紛紜學說苦多門自是無人識道尊純德已爲南土
仰片心惟有一君存羣峯儼若武夷秀真派直竊洙
泗源邂逅襟紳傾郡國先生惠澤不須論

長興高光俊

龍塢聲光動一門鄉鄰矜式士咸尊曾知令望當時

音切集附錄卷之二
著可使芳名百世存祠建德林留淑氣道由洙泗發
真源英靈陟降香芬席盡禮羣儒講且論

咸豐李啓藩

壯年盛代貴龍門晚處林樊德業尊簡冊遺芳名節
重羹墻寓慕禮儀存世情渾與滄桑恻吾道惟從洙
泗源陟降精靈如在上一遵後學共公論

靈城丁永祺

德林嘉額揭祠門儀貌維新衆所尊盛世絃歌何處
覓令辰俎豆此中存照懷霽月無塵染鳴枕寒泉見
道源將使羣蒙越得正紛然歧路不須論

錦城羅度淳

講道曾年德性尊
洋洋絃誦日盈門
胡爲司馬小成得
須稱屠龍大志存
禮學先從家學始
忠心出自孝心源
來人不問文章好
但有先生節義論

咸平魯瑛杓

先生事業服師門
士友當時推重尊
千里封疆今已暮
一心忠義素攸存
祠如鹿洞煌煌額
山闢武夷曲曲源
祇薦苾芬多感慕
強將遺韻日相論

商山金幸源

冠服儼然瞻視尊
升堂諸士盡龍門
江湖百里腥烟

滿薇蕨一山淨地存道學由來比宋洛文章應是達
泉源裕後紹先多感激巍巍德業孰能論

濟州梁夏默

太學留年聞望尊南州詩禮屬專門山河一變孤臣
老弓劒未攀血淚存潛光誰識珠藏櫝達海方知泉
有源壇碣屹然俎豆舉百年不廢儒林論

安東權寧夔

龍塢齋前司馬門士林爭慕仰而尊人來白雪方溪
尺時適黃花猶所存退栗傳心私淑處忠文裕後自
成源願將此日棗盛奠勿替千秋大立論

光山金容杓

扶植綱常德業尊數椽祠宇廣開門孝心既盡晨昏
省忌節惟知君國存詩有風泉歎馳法圖從始復識
真源慕仰大義今如許餘外鎖微豈足論

鷓鴣城金瞰洙

德林祠宇巋然尊百世清風上舍門霽月濂溪遠景
愛晚秋粟里菊猶存滿庭寶樹應多實特地醴泉必
有源居與長沙相接壤欲從一路聽輿論

咸平李性範

天作德林鎮洞門廟祠巍立士相尊美風謠蔚饒高

出英姿颯爽像儼存秉燭昏衢新日月泛舟濂洛復
淵源自此茂城精彩倍口碑處處一公論

爲川鄭惠源

祠高壇屹視瞻尊處士家中忠孝門大義扶綱天地
濶芳名垂脩藻殲存始知五色非九子縱有千流自
本源莫恨叫閭無所訴野論從古勝朝論

慶州金憲慶

彬彬多士向斯門仰慕先生德義尊翼然畫彩林祠
建案盛齊儀籩豆存忠心彌切哭壇日敦學能成私
淑源有是賢公有是胤繼承緒業夏誰論

東萊鄭寅敬

天以龍翁文學尊簪纓世世巨家門
茂邑千秋先哲去德林百世此祠存
哭壇忠切孤臣淚講道心傳一貫源
日後諸生仰慕事書中應識不朽論

坡平尹厚炳

巍彼新祠位最尊
湖南大闢慕賢門
跡似何蕃蓮已折
節如元亮菊猶存
望哭壇邊春草恨
忠莊公後醴泉源
先生今日羹塋地
俎豆千秋不朽論

長興高光洙

宇宙大名莫此尊
丹青照耀闢仁門
西山孤節人皆

仰東海高風世幾存義重國腸扶士氣誠浚祠脩繼
淵源生於生處死於死野鹿千秋應有論

全州李重麟

望北壇前哭至尊求忠儘是孝之門既襲簪纓恩莫
大遽還弓劒慟猶存擬入綿山終有脉欲沈灑水便
爲源德林故里崇祠號院享叅儀愜衆論

錦城羅相縞

多士彬彬從此門鄒冠魯服盡師尊顏波砥柱今猶
立吾道威儀自保存一幅真形生歷歷百年義氣死
源源蘋蘩黍稷齊籩豆春秋陳設次第論

光山李光年

德林認德尊捨此向何門勝日三春暮高風百歲存
賢承克此美多士復尋源爰舉縉儀節重熙一致論

茂松庾允鳳

祠宇巍然聳地門奉安遺像肅清尊昭乎日月靈如
在濯彼江河道是存牲幣惟香遵舊禮鴻儒推重得
真源敢誰侵侮先生德躋享千秋立正論

茂松庾東勳

數仞宮牆四壁門妥安神位仰瞻尊衣冠左右儀容
肅籩豆東西禮貌存黍稷非香惟道德關閩不遠卽

淵源從今後學無餘憾永享先生得士論

龍塢續集附錄卷之二



